

CONVENIO DE COLABORACIÓN ENTRE O SERVIZO GALEGO DE SAÚDE E A ASOCIACIÓN REXURDIR PROVINCIAL, PARA O DESENVOLVEMENTO DE PROGRAMAS DE INCORPORACIÓN SOCIAL A PACIENTES CON TRASTORNOS ADICTIVOS. PROGRAMA ATENCIÓN XURÍDICO SOCIAL.

MEMORIA XUSTIFICATIVA

A xerente do Servizo Galego de Saúde, **DECLARA:**

Que o Servizo Galego de Saúde asinou o 30.05.2023 coa Asociación Rexurdir Provincial o convenio arriba referido. O prazo de vixencia deste convenio será dende o día seguinte ao da súa sinatura até o 31 de decembro de 2023.

Que o instrumento convencional ten por obxecto o desenvolvemento, por parte da Asociación Rexurdir Provincial, de programas de incorporación social de persoas con trastornos adictivos, sendo a devandita entidade a responsable técnica e administrativa de xestión dos programas obxecto deste convenio.

Que o convenio fundaméntase no seguinte:

O Servizo Galego de Saúde, a través da Dirección Xeral de Asistencia Sanitaria, ocúpase de xestionar os plans e programas sociosanitarios e de saúde mental da Comunidade Autónoma, e coordinar os dispositivos dependentes doutras institucións e administracións, tanto públicas como privadas, para facilitar a prestación de servizos asistenciais e promover a incorporación social de pacientes con trastornos aditivos.

Segundo o establecido no Decreto 137/2019, do 10 de outubro, polo que se establece a estrutura orgánica do Servizo Galego de Saúde, a Dirección Xeral de Asistencia Sanitaria, a través da Subdirección Xeral de Atención Primaria, é a responsable de desenvolver as actuacións sanitarias en relación coa saúde mental nos centros sanitarios, así como a rede de centros de drogodependencias, e de impulsar a cooperación e coordinación cos órganos ou unidades da administración xeral da comunidade autónoma de Galicia competente en materia de servizos sociais, de cara a fomentar o desenvolvemento e a integración das prestacións sociosanitarias.

O Programa de Atención Xurídico Social (PAXS) ten como obxectivo ofrecer asesoramento xurídico e orientación a tódolos/as usuarios/as e busca de alternativas á prisión en aqueles casos nos que exista condena xudicial. Deste xeito, acádase unha maior efectividade nos tratamentos e ao mesmo tempo, redúcense simultaneamente os delitos. Como complemento a estas actuacións tamén asesorase en materia administrativa, civil, laboral, etc. e calquera outra na que os/as usuarios/as do centro podan ter dúbidas. Así mesmo, as súas familias vense favorecidas por este programa ao estar directamente afectadas pola problemática xudicial.

Debido á especificidade técnica que requiren os programas de carácter sociosanitario e de incorporación nos eidos social, xurídico e laboral, así como as actuacións que desenvolve a entidade no relativo á programación, coordinación, execución e avaliación das distintas accións, e debido á prioridade de darlle continuidade aos programas, non foi posible promover concorrencia pública.

Consideráronse razóns que acreditan o interese público e social do desenvolvemento destes programas, articulada a través dunha subvención directa, que garante a viabilidade financeira das entidades de iniciativa social que traballan na atención ás persoas con trastornos aditivos e a continuidade na prestacións dos servizos que prestan a este colectivo, xa que desenvolven unha labor indispensable para a sociedade, complementaria á prestada directamente a través dos recursos titularidade da Administración autonómica.

No que se refire a concesión da devandita subvención, segundo o disposto na Lei 9/2007, do 13 de xuño, de subvencións de Galicia, artigo 19.4, apartado a), poderán concederse de forma directa as subvencións previstas nominativamente nos orzamentos da Comunidade Autónoma, sendo os convenios o instrumento habitual para canalizar as mesmas.

Por todo o dito, recorreuse a regular a continuidade dos programas de incorporación social a pacientes con trastornos aditivos a través da formalización dun convenio de colaboración entre o Servizo Galego de Saúde e a Asociación Rexurdir Provincial, por un importe vinte e cinco mil cento setenta e sete euros (25.177,00 €), que se financian con cargo a aplicación orzamentaria 5001.413A 481.11, co código de proxecto 201400030, consignada nos orzamentos xerais da Comunidade Autónoma de Galicia para o ano 2023.

Os intereses converxentes das partes asinantes exclúen o ánimo de lucro, e non podían satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estimouse xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago,

